

Oduber ta cuestiona exploracion di oro

ORANJESTAD(AAN)— Den un serie di pregunta cu el a manda pa e Ministro di Asuntonan Economico, Nel Oduber di MEP, ta trece dilanti cu mediante Landsbesluit di dia 9 di September 1987, no 1, Gobierno di Aruba a duna pa 3 aña permiso na Canarub Gold Development N.V., situa na oficina di abogado Mr. R.A. Brown, pa coba bao tera materua prima ariba un area di 13.675 ha., loke ta casi henter Aruba.

Pa tur e terenonan aki nan lo mester oaga pa aña 5 Cent, loke ta solamente fls.683,75 pa henter e area.

Oduber ta puntra si e Ministro a tuma nota di un

articulo interesante, cu a sali den Business Week di dia 2 di Mei 1988, unda ta worde papia di un epidemia pa oro na Canada y cu hopi fraude ta worde cometi pa tira hende un cabez abao cu accionnan di compania di oro.

E kier sa, si e Ministro ta na altura cu tin propaganda falso ta worde haci di supuesto minanan di oro etc. y cu ayudo a worde pidi di Departa-

mento di Justicia di Merca pa investiga no menos cu 42 caso.

Si tur esaki ta berdad, Oduber kier worde informa si ta berdad cu Canarub Gold Development ya caba a ser pasa pa

otro doño y si Gobierno ta coopera pa promer cu haya oro na Aruba, por specula cu patrimonio.

E kier pa, di acuerdo cu e condicionnan di permiso, Ministro di Asuntonan Economico informa Staten si Gobierno a ricibi copia di e resultadonan di e sondeo bau tera cu ya caba a tuma lugar y tambe e interpretacion y rapor-

tahe di e investigacion.

Splicacion Oduber kier haya tambe ariba e pregunta si Canarub a cumpli cu e condicionnan pa dentro di tres luna entrega na Gobierno un programa di trabau cu den dje e clase di trabau, tambe e gastonan calcula pa e aña venidero.

Oduber ta pidi e Ministro pa informa Staten si ya daño a worde haci na

naturaleza, manera denuncia cu portret pa varios medio, di acuerdo cu e condicionnan bau di cual Canarub a haya permiso y si esaki ta worde paga pa e compania.

Finalmente e ta pidi e Ministro pa facilita Staten tur documento concerni mas pronto cu ta posible ya cu ta trata di patrimonio di henter pueblo.